

165

FUNERI INDICTIVO

VIRI

*Magnifici, Amplissimi ac Consultissimi*

DOMINI

DN. JOANNIS  
CZIMMERMANI

Pro-Consulis in Republica Thorunensi

Senioris gravissimi,

Rebus mortalium

D. XXIV. Novemb. Anno cl. lxxxii.

*exempti,*

In solennibus exequiis,

D. III. Decembr. anni Curr.

celebratis,

*Ultimum pietatis officium persolvere & lugentes solari  
conabantur*

RECTOR ET PROFESSORES.



THORUNNI,

Impressit JOHANNES NICOLAI, NOBIL. SENAT. ET GYMNI. Typographus.

notitia



**Q**ui fuerat quartus nuper Pro-Consul in urbe  
Czimmermannus iam clausit in orbe diem.  
Res rexit nostras, praeclaraque munera gessit  
In patria, longo factus honore senex.  
Sic soboles similis potuit maioribus esse  
Horum virtutes testificata suis.

Nam meritis magnis hic Czimmermannia fama  
Floruit, & celebris semper in urbe fuit.  
His sua non tantum voluit coniungere Noster,  
Sed laudes alias excuperare suis.  
Propterea magnus Legum Themidosque Sacerdos  
Dexteritate proba civica iura tulit.  
O quam felices, Magnatum quando clientes  
Non gratis miseri limina iusta premunt.  
Cum non pro iustis dantur glaucomata vana.  
Deludi his possunt, non Deus, ast homines.  
Aequi omnis vindex Deus est, qui iudicat orbem,  
Qui tribuit certo tempore iusta bonis.  
Sic Deus eripuit defunctum fluctibus orbis,  
Tutus ut in certa sede quietus agat.  
Iustus ubi iudex decretum dicitur amoenum,  
Optatum votis absque fori strepitu.  
Hoc tibi tam grato iam delectare, Beate,  
Divinae pacis munere in arce poli.  
Interea custos meritorum grata Thorum,  
Tam de vincula illis, nostra Thoruna manet.  
Tu Deus a Patribus plures avertite ruinas  
Longius ut cives cum gravitate regant,  
Restituas alios prudentes atque fideles,  
Namque gubernantes tu stabilire soles.

Beatis manibus Magnifici Pro-Consulis ultimum  
pietatis officium praestare laborabat

P. IAENICHIUS, R. P. P.

**V**iator

ultimi memor momenti  
Hoc lege monumentum,  
&  
memento omni momento  
Virum

Magnificum, Amplissimum & Consultissimum

**DN. IOANNEM CZIMMERMANNVM,**

Diem obiisse supremum,  
Ejusque ossa hic molliter cubare.  
Dies XXIV. Novembr.  
Tristitiae & Laetitiae,  
Luctus & Gratulationis  
Dies erat.

Luctu quidem & tristitia prosequimur  
Proconsulem optime meritum,  
Maritum dulcissimum,  
Fratrem concordissimum:  
Mularum Maccenatem magnam,  
Virum

nostras

nostras excedentem laudes.  
Cuius  
Adolescentiam  
Vindicaverat sibi Gymnasium nostrum;  
Juventutem  
Universitates amaverant celeberrimae;  
Virilem aetatem  
Thorunium, patria suavissima, erat venerata,  
In senectute  
Pythium Apollinem imitatus,  
Qui dixerat:  
Se esse eum, unde sui cives consilium expetent,  
Finis impositus erat anno facto:  
Eodemque tempore  
Proconsul Czimmermannus  
finem vitae faciebat suae,  
properans festinanter  
ut  
Dominicam I. Adventus  
Apud Deum acuum agens  
celebrare possit,  
atque recipi  
Inter Advenas, hospites & Cives beatos,  
Factus est Veterum campos  
&  
Ingressus Civitatem Dei nunquam interituram,  
triumphum ducens de omnibus miseriis  
tristibusque fatis,  
Quibus spuntur mortales  
Et ipse tantum non oppressus erat,  
Quae cum ita sint  
Diem mortis & exitus ex hac vita  
rectius appellamus  
Diem Vitae & Introitus in vitam;  
Et licet apud nos  
Nil nisi luctus est error,  
Beato tamen Proconsuli nostro  
Otio, quae Deus illi fecit,  
Seculum aureum,  
Felicitem temporum,  
Abundantiam perpetuam,  
Beatam Tranquillitatem,  
Consecrationem & Aeternitatem  
meliori iure,  
Quam olim Romani principibus suis in nummis,  
gratulamur lactanter.  
Viator  
I licet  
&  
mecum ingemisce:  
Accipe non Phario nurantia pondera saxo,  
Quae cineri vanus dat ruitura labor;  
Sed fragiles buxos & opacas palmitis umbras,  
Quacque virent lachrymis humida prata meis.

L. M. Q. P.

G. P. Schulz / D. P. P. O.



Lamentâ civitatis Thorunensis ob obitum B. Pro-Consulis  
ad socias Civitates Gedanum & Elbingam  
facta :

**V**ox erat & jamjam defessi corporis ista  
Membra quiescebant; At mihi multa mala  
Ostendit dirae & tenebrae noctis imago,  
Et me non solito percutit illa modo.

Hæc nunc narrabo vobis & carmine tristi  
Describam faciem, quæ mihi visa fuit.  
Nam fuit illa satis tristis quæ voce gementi  
Per soanum mæstum talia verba dabat:  
Heu mihi, Vos firmo sociali fœdere junctæ  
Urbes, iam, quæso, damna levate mea!  
Elbinga & Gedanum tantum compefcite luctum

Quo nunc cælestis me premit ipsa manus.  
Vestra soror, quam si forsan cognoscitis adhuc.  
Sum sed iam periit forma venusta mihi.  
Lugubri indutam vos hac me veste videtis,  
Incedoque gemens, sic iubet ipse dolor.  
Thorunium dicor, si nunc cognoscere quæris  
Nomen, sed dictæ hoc nomino multa mala.  
Nostra per adventas agitur fortunæ procellas Ovid, l. I. Trist.  
Sorte nec ulla mea tristior esse potest.

Nuper vexarunt me tristia fulmina Martis  
Et iussit cunctos ora rigare Viros.

Nunc novus est mæror, qui me iam perculit iste est:  
Amisi clarum Magnificumque Virum.

Czimmerrmann cecidit, totum qui rexerat urbem  
Nostram, per vitam dexteritate sua

Hunc deslent cives lacrymis hunc Curia deflet  
Ad tanti lugens stans sacra busta Viri.

Reddite nunc, sociæ, conceptum corde dolorem  
Urbes, & tangat Vos dolor iste meus.

Vos hic obtestor charæ dulcesque sorores  
Floreat insignis claraque fama Viri.

Hæcque suere Tuæ Gedanum nunc verba sororis  
Has, Elbinga, preces nunc tulit ista soror.

Ast hæc noctis erat saltem ludentis imago,  
Nam lusu vano somnia pæctus agnat.

DI facerent utinam talis nunc esset imago  
Noctis, non tristis causa dolenda foret

At non sopitos deludunt somnia sensus,  
Quæ refero sunt vel candidiora die.

Sed mihi non animus durum pertingere vulnus  
Carmine, quod sentis, clara Thoruna tuum.

Hinc precor æternum Numen coelique Monarcham  
Et cui perpetua carmina grata dabo

Si servabuntur Patres, quos Patria dulcis  
Quoties tenet in nostro Curia clara solo.

Hæc lugenti calamo *ευπαιδείας* *ἐνεκα*  
apposuit

Ephraim Oloff, Thorun.  
Prof. Publ. Extr.

G. P. O. D. P. O.